



Ylræktartrygging

Vátryggingarskilmálar nr. EL65

Um vátrygginguna gilda:

- Vátryggingarskírteinið ásamt áritunum og sérskilmálum.
- Skilmálar þessir nr. EL65.
- Sameiginlegir skilmálar félagsins nr. YY10.
- Lög um vátryggingarsamninga nr. 30/2004.

Ákvæði í vátryggingarskírteini eða endurnýjunarkvittun ganga frammar ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga frammar frávíkjanlegum lagaákvæðum.

Efnisyfirlit:

1. Vátryggðir hagsmunir
2. Vátryggður og meðvátryggðir
3. Vátryggingin gildir
4. Bótasvið
5. Sérstakar takmarkanir á bótaskyldu
6. Brot á varúðarreglum
7. Samsömun
8. Greiðsla iðgjalds
9. Endurgreiðsla iðgjalds
10. Eigendaskipti
11. Vátryggingarfjárhæð
12. Eigin áhætta
13. Ákvörðun bóta
14. Undirtrygging
15. Tvítrygging
16. Fyrning

1. Vátryggðir hagsmunir

Vátryggingin tekur til ræktunar í gróðurhúsi.

2. Vátryggður og meðvátryggðir

- 2.1 Eigandi ræktunar er vátryggður.
- 2.2 Veðhafar og aðrir þeir sem eiga fjárhagslega hagsmuni í ræktuninni eru ekki meðvátryggðir í skilningi laga um vátryggingarsamninga nr. 30/2004, nema þeir hafi fengið staðfestingu þess efnis frá félaginu. Meðvátryggðir öðlast aldrei meiri rétt gagnvart félaginu en vátryggður, sbr. 3. mgr. 41. gr. laga um vátryggingarsamninga nr. 30/2004.

3. Vátryggingin gildir

Vátryggingin gildir í því gróðurhúsi sem tilgreint er í vátryggingarskírteini eða endurnýjunarkvittun.

4. Bótasvið

4.1 Eldsvoði, elding og sprenging

Vátryggingin bætir tjón á ræktun af völdum:

- 4.1.1 Eldsvoða. Það telst ekki eldsvoði þegar hlutir sviðna eða bráðna ef eldur er ekki laus.
- 4.1.2 Eldingar.
- 4.1.3 Sprengingar.

Vátryggingin bætir ekki:

- 4.1.4 Tjón sem verður vegna vinnu með sprengiefni við verklegar framkvæmdir.

Varúðarregla:

- 4.1.5 Vátryggður skal sjá til þess að munir séu ekki settir í hættu frá eldi eða hita.

4.2 Vatn, gufa og olía

Vátryggingin bætir tjón á ræktun af völdum:

- 4.2.1 Vatns, gufu og olíu sem óvænt og skyndilega streymir úr leiðslum gróðurhússins og á upptök innan veggja hússins.
- 4.2.2 Vatns sem flæðir úr tækjum vegna mistaka eða bilana.
- 4.2.3 Utanaðkomandi vatns, svo sem grunnvatns, úrkomu, flóða eða vatns frá þakrennum eða frárennslis-leiðslum þeirra.
- 4.2.4 Vatns sem þrýstist upp úr skolp- eða frárennslis-leiðslum eða ef skolpleiðslur geta skyndilega ekki flutt allt það vatn er að berst, þó með þeirri undantekningu ef leiðsla stíflast eða springur innanhúss.

Varúðarregla:

- 4.2.5 Vátryggður skal sjá til þess að lokað sé fyrir vatnsaðstreymi í óupphituðu húsi þegar hætta er á frosti.
- 4.2.6 Vátryggður skal sjá til þess að niðurföll séu í lagi með því að hreinsa frá þeim til að fyrirbyggja söfnun yfirborðsvatns.

4.3 Innbrot

Vátryggingin bætir tjón á ræktun af völdum:



4.3.1 Innbrots.

Varúðarregla:

4.3.2 Vátryggður skal sjá til þess að gróðurhúsið sem hin vátryggða ræktun er í sé alltaf læst þegar enginn er í gróðurhúsinu.

4.4 Óveður

Vátryggingin bætir tjón á ræktun af völdum óveðurs þegar vindhraði nær 28,5 metrum á sekúndu. Til óveðurstjóna á ræktun teljast eingöngu þau tjón sem verða þegar vindur hefur rofið þak, glugga eða aðra hluta gróðurhússins. Séu ekki fánlegar viðurkenndar upplýsingar um vindhraða á tjónsstað er tjónið varð skal hafa til hliðsjónar við ákvörðun bótaskyldu hvort almennt eignatjón hafi orðið á svæðinu af völdum veðurs er vátryggingaratburðurinn átti sér stað.

4.5 Breyting á hitastigi

Vátryggingin bætir tjón á ræktun af völdum breytinga á hitastigi vegna:

4.5.1 Bilunar í tæknibúnaði, rafmagnsbilana, bilana í hitakerfum og vatnsleiðslum.

Vátryggingin bætir ekki tjón:

4.5.2 Sem stafar beint eða óbeint, að öllu leyti eða að hluta, af áhrifum tímaskráningar á starfsemi búnaðar, kerfa eða samblands þessa hvoru tveggja.

Undanþága þessi á við um allar tímaskráningar.

Með "tímaskráningu" er átt við tilgreiningu tíma sem byggist á almanakskerfi þegar tilgreiningin verkar sem upplýsingar, kóti, merki eða með hvers konar öðrum hætti í búnaði, kerfi eða samblandi þessa hvoru tveggja.

Með "búnaði" er átt við hvers konar vélar, tæki, vörur og aðra áþreifanlega hluti eða safn hluta, hvort sem um er að ræða fasteign eða lausafé, þ.m.t. en þó ekki takmarkað við, vélbúnað tölva, hugbúnað eða sambætt rafeindakerfi (þ.m.t. örgjörvar og kísilflögur).

Með "kerfi" er átt við hvers konar upplýsingar, fyrirmæli eða safn þeirra hvers konar miðla fyrir upplýsingar og fyrirmæli á tölvutæku formi, á pappír eða í formi geisla, bylgna, eðlisfræðilegra áhrifa, efnaferla eða á öðru óáþreifanlegu eða áþreifanlegu formi.

Undanþága þessi nær ekki til tjóns sem stafar af bruna, sprengingu, hrapi, innbroti, þjófnaði eða vatnsskaða.

4.6 Snjóþungi

Vátryggingin bætir tjón á ræktun:

4.6.1 Af völdum skyndilegs snjóþunga sem sligað hefur þak eða vegg gróðurhússins.

Vátryggingin bætir ekki tjón:

4.6.2 Sem er afleiðing byggingargalla.

5. Sérstakar takmarkanir á bótaskyldu

Vátryggingin bætir ekki tjón eða aukningu á tjóni sem beint eða óbeint hlýst af eða er af völdum:

5.1 Jarðskjálfta, eldgoss, skriðufalls, snjóflóðs eða annarra náttúruhamfara.

5.2 Styrjaldar, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða.

5.3 Kjarnabreytingar, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis.

6. Brot á varúðarreglum

Skyllt er að fara eftir varúðarreglum í skilmálum þessum. Sé varúðarreglum ekki fylgt getur ábyrgð félagsins fallið niður í heild eða að hluta, sbr. 26. gr. laga um vátryggingarsamninga nr. 30/2004.

7. Samsömun

Í atvinnurekstri getur félagið borið fyrir sig háttsemi stjórnenda vátryggðs og umsjónarmanns hinnar vátryggðu ræktunar.

8. Greiðsla iðgjalds

8.1 Iðgjald fyrir vátrygginguna fellur í gjalddaga þegar greiðslu þess er krafist.

8.2 Vanskil á greiðslu iðgjalds geta valdið réttindamissi og niðurfellingu vátryggingarsamnings, sbr. 33. gr. laga um vátryggingarsamninga nr. 30/2004.

9. Endurgreiðsla iðgjalds

9.1 Falli vátryggingarsamningur úr gildi áður en vátryggingartímabili lýkur endurgreiðir félagið iðgjald í hlutfalli við þann tíma sem vátryggður hefur greitt fyrir og vátryggingin er ekki í gildi. Þetta gildir þó ekki ef vátryggingarsamningur hefur fallið úr gildi vegna þess að félagið hefur fullnægt skyldum sínum með því að greiða bætur fyrir algert tjón.

9.2 Skammtímatryggingar eru með öllu undanskildar endurgreiðsluákvæðum í gr. 9.1.



10. Eigendaskipti

Ef eigendaskipti verða að hinni váttryggðu ræktun fellur váttryggingin úr gildi þegar eigendaskipti hafa átt sér stað. Félagið er þrátt fyrir þetta ábyrgt ef váttryggingaratburður verður innan 14 daga frá eigendaskiptum ef hinn nýi eigandi hefur ekki sjálfur tekið váttryggingu.

11. Váttryggingarfjárhæð

- 11.1 Váttryggingarfjárhæð ræktunar miðast við áætlað markaðsverð eins og það er að ræktunartíma loknum og tilgreint er í váttryggingarskírteini eða endur-nýjunarkvittun.
- 11.2 Upphæð váttryggingarfjárhæðar er ekki sönnun fyrir verðmæti hinna váttryggðu hagsmuna.
- 11.3 Váttryggingarfjárhæð breytist samkvæmt vísitölu neysluverðs án húsnæðis.

12. Eigin áhætta

- 12.1 Af hverju tjóni ber váttryggður sjálfur eigin áhættu sem tiltekin er í váttryggingarskírteini eða endur-nýjunarkvittun.
- 12.2 Fjárhæð eigin áhættu breytist samkvæmt vísitölu neysluverðs án húsnæðis.

13. Ákvörðun bóta

- 13.1 Bætur miðast við þann kostnað sem í ræktunina hefur verið lagður á tjónsdegi, svo

sem sáningarkostnað og launakostnað, en ekki áætlað markaðsverð ræktunar.

- 13.2 Váttryggður skal ekki hagnast á váttryggingaratburði. Váttryggingin skal einungis bæta raunverulegt tjón váttryggðs.

14. Undirtrygging

Sé heildarverðmæti hins váttryggða meira en váttryggingarfjárhæð bætist tjón hlutfallslega.

15. Tvítrygging

- 15.1 Ef sama tjón fellur undir fleiri en eina váttryggingu getur váttryggður valið hvaða váttryggingu hann vill nota þar til hann hefur fengið þær bætur sem hann á kröfu til.
- 15.2 Ef fleiri en eitt váttryggingarfélag bera ábyrgð á tjóni samkvæmt gr. 15.1 skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

16. Fyrning

Krafa um bætur fyrnist á 4 árum. Fresturinn hefst við lok þess almanaksárs er váttryggður fékk nauðsynlegar upplýsingar um þau atvik sem eru grundvöllur kröfu hans. Krafa fyrnist þó í síðasta lagi á 10 árum frá lokum þess almanaksárs er váttryggingaratburður varð.

Váttryggingarskilmálar þessir gilda frá 1. janúar 2006.